

convexis, juxta apicem tantum paullo deplanatis, marginibus viridibus, epipleuris versus basin obscure castaneis; tarsis posticis articulo penultimo bilobato, lobis oblongis apice late rotundatis.

Long. 4 lin.

Hab. MEXICO, Orizaba (*Sallé*).

3. *Loxopeza guatemalena*.

L. xanthogastris simillima, differt solum tarsorum posticorum articulo penultimo haud bilobato sed emarginato angulis paullo productis acuminatis. Testaceo-rufa, elytris lætissime viridi-æneis profunde striatis, interstitiis alte convexis; capite flexuoso-striguloso, thorace vermiculato; elytrorum epipleuris omnino viridi-nigris.

Long. 4 lin.

Hab. GUATEMALA, Las Mercedes (*Champion*).

4. *Loxopeza costulata*.

L. tricolori paullo latior. Testaceo-rufa, abdomine (segmento basali processuque intercoxali exceptis) nigro, elytris olivaceo-nigris; capite subgrosse rectius strigoso et punctulato; thorace quam in *L. tricolori* latiore, lateribus arcuatis, antice quam postice magis angustato, margine basali inter lobum et angulum valde flexuoso, disco flexuoso-strigoso et punctulato; elytris profunde striatis striis fundo crenulatis, interstitiis valde convexis, versus apicem deplanatis, 7° versus basin conspicue angustato, epipleuris margineque nigris; tarsorum posticorum articulo penultimo emarginato.

Long. 4-4½ lin. ♂ ♀.

Hab. MEXICO, Jalapa (*Höge*).

5. *Loxopeza urania*. (Tab. X. fig. 2.)

Oblongo-ovata, minus deplanata, testaceo-rufa, abdomine (basi juxta coxas vix rufescente) nigro, elytris (margine epipleuraque inclusis) cæruleis; capite subtilius subrecte striguloso punctulatoque; thorace transverso ante medium usque ad collum citius angustato minus rotundato, dorso minus grosse vermiculato-strigoso; elytris elongatis versus apicem paullo ampliatis, crenulato-striatis, interstitiis valde convexis prope apicem planioribus; tarsorum posticorum articulo penultimo emarginato, angulis sat productis.

Long. 5 lin. ♂.

Hab. MEXICO (*Höge*).

One example only. With the exception of the hind tarsi being certainly not bilobed, it fits well Chaudoir's description of *L. grandis* (Hald.), which, Dr. Horn tells me, is not the *L. grandis* of Haldeman.

6. *Loxopeza translucens*. (Tab. X. fig. 4.)

L. costulata multo minor, testaceo-rufa, ventris segmentis apice infuscatiss, elytris viridi-æneis ferrugineo (præcipue postice) translucentibus, marginibus epipleuris testaceo-rufis; capite thoraceque obsoletius strigulosis, nitidis, hoc quam in *L. tricolori* latiore postice vix angustato, lateribus late rotundatis et explanato-reflexis, angulis posticis acutis (apice obtusis) margine basali inter lobum et angulum fere recto; elytris acute striatis, interstitiis valde convexis sed haud tectiformibus; tarsorum posticorum articulo penultimo bilobato, lobis linearibus apice obtusis.

Long. 3½ lin. ♂ ♀.

Hab. MEXICO, Jalapa (*Höge*).